

Aningaasaqarnermut Ataatsimiititaliap suliaq nr. 01.31.06/08-00398 pillugu tallimangornermi ulloq 19. december 2008-mi aalajangiinera pillugu Naalakkersuisunut ilisimatitsineq

(Naalakkersuisut siulittaasuata ulloq 10. december 2008-mi aalajangigaa)

Kotomut pingaarnermut 75.01.01 Avatangiisinut Pisortaqarfik, oqaasertaliussap ilanngunneqarnissaanik qinnuteqaat

Naalakkersuisut inassutigaat,

kotomut pingaarnermut 75.01.01 Avatangiisinut Aqutsisoqarfik, oqaasertaliussassatut ilanngunneqartoq Inatsisartut 2008-mut ilassutitut aningaasaliissutitut inatsisaannut ilanngunneqassasoq.

Aningaasaqarnermut Ataatsimiititaliap oqaaseqaatai

Suliami matumani oqaasertaliussaq tulliuuttoq Aningaasaqarnermut Ataatsimiititaliamit akuerineqassasoq Naalakkersuisut qinnutigaat:

"Kotomut pingaarnermut 75.01.01 Avatangiisinut Aqutsis oqarfik

Ukiup aningaasaliiffiusup naanerani aningaasaliissutinik atorneqanngitsunik, kingusinnerusukkut ukiuni aningaasaliiffiusuni atugassatut nuussisinnaanissamut piginnaatinnearput. Aningaasaliissutit COP 15-imut atorneqartussatut immikkoortinneqartut iluanni taamaallaat illuartitsisoqarsinnaavoq.

Oqaasertaliussamut nassuiaat:

Kotomut pingaarnermut 75.01.01 Avatangiisinut Aqutsisoqarfik

Oqaasertaliussami COP 15-ip ingerlanneqarneranut atatillugu suliassat ingerlanneqarsinnaanissaasa qulakkeerneqarnissaat siunertarineqarpoq.

Oqaasertaliussaq nutaajuvoq."

Oqaasertaliussaq taanna akuerineqarsinnaavoq.

Ukiumili taama kingusitsigisukkut aningaasaliissuteqarnissamik qinnuteqaatip nassiunneqarnera naammaginnartingikkini Aningaasaqarnermut Ataatsimiititaliap oqaatiginngitsoorusunngilaa.

Ataatsimiititaliap 2008-mi ataatsimiinnissaa kingulleq ulloq 12. decemberimi pisussaasoq Naalakkersuisunut arlaleriarluni eqqaasitsissutigineqartareerpoq. Ukiumi taama kingusitsigisukkut suliap matumani pineqartup nassiunneqarnera piffissaalluarallartillugu tunniussisarnissamik tunngaviumut naapertuutinnngilaq!

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarpoq.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua